



Øyvind Vatne
Hallskaret 67
5117 ULSET

Referanser:
Dykkar:
Vår: 15/4160 - 16/3295

Saksbehandlar:
Knut Bjørnevoll
KBJ@lindas.kommune.no

Dato:
10.02.2016

Utsleppsløyve for hytte - gbnr 217/28 Romarheim

Administrativt vedtak. Saknr: 095/16

Tiltakshavar: Øyvind Vatne
Type utslepp : Sanitært avløpsvatn med utslepp mindre enn 50 pe
Søknadstype: Forureiningslova § 11, jf. forureiningsforskrifta § 12-5

SAKSUTGREIING:

Tiltak

Saka gjeld søknad om utsleppsløyve for gnr. gbnr 217/28. Storleiken til utsleppet er opplyst til 5 pe. Det vert elles vist til søknad mottatt 14.12.2015

Plassering

Plassering og påkopling er vist i kart motteke 19.11.2015, jf. forureiningsforskrifta § 12-14 nr 1 d.

Reinsekrav

Eigedomen ligg i eit område der det er krav til slamavskiljar ved utslepp til sjø, etter forureiningsforskrifta kapittel 12.

Nabovarsel

Partar og andre som vert råka av utsleppet er varsla og er gjeve høve til å uttale seg innan fire veker frå varsel er sendt, jf. forureiningsforskrifta § 12-4 nr 2. Det har ikkje komme merknader til søknaden

Privatrettslege tilhøve

Tiltaket skal plasserast delvis på tiltakshavar si eiga tomt, delvis på eigedomen gbnr. 217/1 og delvis på eigedomen gbnr. 217/23, der avløpet skal koplast til eksisterande sjøleidning etter slamavskiljaren på

denne eigedommen. Det ligg føre samtykke til plassering av slamavskiljar og røyr på gbnr 217/1 og avtale om legging av leidning, tilkopling til utsleppsleidning og framtidig vedlikehald.

Tilkopling til eksisterande anlegg/leidning

Gbnr. 217/29 fekk utsleppslyve 08.07.2004, for utslepp via slamavskiljar til sjø på minimum 5 m djupne.

VURDERING

Plassering

Plassering av anlegg og leidningsnett kan etter kommunen si vurdering godkjennast i samsvar med innsendt situasjonsplan.

Reinsekrav

Søknad om utsleppsløve kan etter kommunen sin vurdering godkjennast slik den ligg føre med utslepp via slamavskiljar til sjø. Reinseløysinga stettar krava til utslepp i mindre følsomt område.

Kommunen legg til grunn at eksisterande utsleppsleidning er i forskriftsmessig stand og at det er kjøreveg dimensjonert for slamtømmebil og at anlegget kan gå inn i den ordinære tømmeordninga og ikkje medføra ekstrakostnader i samband med slamtømming.

Planstatus

Eigedommen ligg i uregulert hytteområde i kommuneplanen. Utanom hyttetomta ligg slamavskiljar og avløpsleiding på areal sett av til næring.

Drift og vedlikehald

Slamavskiljarar knytt til heilårsbustadar eller fritidsbustadar skal tømmast heilt for slam etter behov, og ikkje sjeldnare enn kvart 2. år for heilårsbustadar og kvart 4. år for fritidsbustadar, jf forureiningsforskrifta § 12-13. Eigedommane skal inngå i den kommunale slamtømmeordninga.

VURDERING

Naudsynte slamavskiljar skal inngå i den kommunale slamtømmeordninga, jf Forskrift for slamtømming. Forskrifta gjeld for heile kommunen med unnatak av

- Veglause grender og øyar og eigedomar som elles ikkje er tilknytt offentleg vegnett
- Eigedomar der tømmetanken ligg lengre enn 100 meter frå køyrbar bilveg
- Eigedomar der tømmetanken ligg lågare enn 8 meter frå køyrbar bilveg.

Vurdering etter naturmangfaldlova

Kommunen har vurdert prinsippa § 8 – 12 i naturmangfaldlova. Ein har mellom anna sjekka det aktuelle arealet i www.naturbase.no og www.artsdatabanken.no og nytta rettleiing frå fylkesmannen i Hordaland.

Godkjenning etter anna lovverk

Etablering av anlegget krev at det vert gitt løyve til tiltaket etter reglane i plan- og bygningslova.

Søknad om løyve til tiltak for utføring av anlegget etter plan- og bygningslova vert handsama i eiga sak :

Administrativt vedtak. Saknr: 095/16

VEDTAK:

Med heimel i forureiningslova § 11, forureiningsforskrifta §§ 12-3 og 12-5 vert det gjeve utsleppsløyve for utslepp frå fritidsbustad via slamavskiljar til sjø på følgjande vilkår:

1. Utsleppet skal først i tett og nedgraven leidning inn på eksisterande utsleppsleidning som tidlegare er godkjent ført til sjø på minimum 5 meter djupne.
2. Samtykke og avtale om plassering av anlegg og leidningar på gbnr 217/1 og 217/23 skal tinglysast på eigedommane.
3. Slamavskiljaren skal vera av godkjent type, og plasserast slik at han kan tømmast innafor den ordinære kommunale slamtømmeordninga, i samsvar med forskrift for slamtømming, godkjent av kommunestyret 24.06.2004.
4. Det skal betalast slamgebyr i samsvar med gjeldande gebyrregulativ.
5. Eigedommen skal knytast til offentleg avløpsleidning eller annan fellesleidning dersom slike vert ført fram til området og kommunen set krav om det.

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast.

Før det kan reisas søksmål om vedtaket er gyldig eller krav om erstatning, må høvet til å klaga på vedtaket vera nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller innstillast arbeidet i lengre tid enn to år, fell retten til å etablere utsleppet vekk. Om utslepp framleis er aktuelt må ny søknad sendast inn, jf. forureiningsforskrifta § 12-5, fjerde ledd.

Ferdigstilling

Når arbeidet med etablering av avløpsanlegget er ferdigstilt skal den ansvarlege for arbeidet skriftleg melda ifrå til kommunen at anlegget er etablert og arbeidet utført i samsvar med dette løyvet. Samstundes skal

det sendast inn stadfesting for montering frå det føretaket som har levert anlegget, og serviceavtale for drift og vedlikehald.

Plassering av anlegg, samt leidningsanlegg med kummar, knekkpunkt og utsleppspunkt skal innmålast og koordinatar skal sendast kommunen, seinast ved førespurnad om mellombels bruksløyve/ferdigattest.

Anlegget eller nokon del av det kan ikkje takast i bruk før det ligg føre mellombels bruksløyve eller ferdigattest etter plan- og bygningslova.

Tilsyn, endring og opphøyr av løyvet

Kommunen er forureiningsstyresmak og fører tilsyn med at føresegner, lovverk og vedtak fatta i tråd med forureiningsforskrifta kapittel 12 vert følgd. Forureiningsstyresmakta har rett og plikt til å føra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnad knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheva eller endra vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18, jf. forureiningsforskrifta § 12-14. Ved all vidare kontakt i denne saka, ver venleg og referer til **saknr.: 15/4160**

Med helsing

Siril Sylta
avdelingsleiar

Knut Bjørnevoll
saksbehandlar

Dette dokumentet er elektronisk godkjent og har difor ingen signatur.

Kopi til:

Delta Bolig Prosjektering AS
Stusdal VVS AS

Grøvlesvingen 29 5108
Apalen 17 5915

HORDVIK
HJELMÅS

Mottakrarar:

Øyvind Vatne

Hallskaret 67 5117

ULSET